



04. November. 2018

UKA 2018/103

Atassut

Aqqaluk Heilmann

**Inuussutissanik allagartalersuisarneq pillugu Namminersornerullutik Oqartussat nalunaarutaanni nr. 1-mi, 2. februar 1994-imeersumi § 11 imm. 2 nummer 1-p allanngorteqquillugu Naalakkersuisut peqquneqarnissaanik Inatsisartut aalajangiiffigisassaattut siunnersuut, nalunaaqutsersuisarneq aamma tuluttut pisinnaanngortillugu.**

(Inatsisartunut ilaasortaq Steen Lynge, Demokraatit)

Siullermik qujavugut Demokraatiniit Steen Lynge-p siunnersuutanut. Steen-nip siunnersuutaa Atassummiit ima akissuteqarfingissavarput.

Nunarput tamakkerlugu pisiniarfinni nioqqtissat inuussutissat pitsaasuunissaat ajornanngippallu akikitsuunissaat tamatta soqutigisarisarparput.

Akit assigiittussaanerat atorunnaarsinneqarmat isorliunerusut annertuumik eqquaanikuupput, ilaatigullu pisiassat ilaannit akisoqisumik inuussutissanik pisiniarfimmi pisiniartalerlutik, pingaartumik Brugsen-neqarfiusngitsuni unammillerteqarfiusngitsunilu pisiniarfinni.

Taamaattuumik siunnersuutigineqartoq nunatta avataaniit nioqqtissanik piniarsinnaassusitta nunatta iluani ullumerniit suli akikinnerusunik inuiannut pisiassangortartussanik imminut aqquissiuussinnaanerput iluatinnaateqartipparput.

Taamalu siunertaq taanna anguniarnerani aporfilersuutaasinnaasut soorlu niqqtissat allagartalersortarnerat piinnarlugu akisuumik nunatta iluani inuussutissanik nioqquteqarsinnaanerput apeqquserneqartariaqarpoq.

Atassummiit puiungilagut inuit nerisassanik sapinaqartut, soorlu lactose-mik sukkornermilluunniit nappaateqartut.

Taakkua immikkut illersorneqarsinnaanerat aamma eqqumaffigisariaqarparput, iliuusaasinnaasullu nioqqummut allangartalersuinermi imaluunniit peqqinnissaqarfiup ataani suliaqartuniit qaammarsaanikkut pisariaqarpat ingerlanneqarsinnaavoq.

Nunatsinni inuit amerlapput inunnik isumaginninnerup iluaniit aningaasanik ikiorserneqartartut.

Taamatullu pisortaqaqarfimmiit aningaasaliissutaasartut soorlu meeqlanut paaqqinnittarfippassuit, utoqqaat illui, tarnimikkut innarluuteqartut najugaqtigifi, peqqinnissaqarfiit, il.il.



Tassa nunatsinni ullaat tamaasa nerisoqarfiusuni nerisassaateqarfiusunilu tamatsinnut annertuumik aningaasaqassutsitsinnut iluaqtaasussaavoq atuineq appasinnerulersinnaammat, naak nerisassat piniarneqartartut amerlassusaat taannaagaluartoq.

Nunatta karsiani annaasassaqanngilagut, inuussutissat immikkut akitsuuserneqarsimasut peersimanngikkutsigit ilanngullugit.

Pisiniarfinni inuussutissat akikinnerusut nioqqutaalerpata naatsorsuutigineqarsionnaavoq meeqqat kaallutik innartartut ikileriaateqarsinnaanerat, inuillu akiligassanut allanut akissaqarnerulersinnaanerat soorlu, ininut attartukkanut. il.il

Atassummiit naatsorsuutiginngilarput ullumikkut pisiniarfinni nioqqutissat inuussutissat aki qaffasissuni akinik appasinnerusunik nioqquteqalernerup nassatarissangaa pisiniarfifit aningaasatigut kaavliaartitaasa annikilleriarnissaat.

Uagut aqqtissiuussigutta nunani nioqquteqarnermi akikinnerusunik sumi pissarsisinjaassuseqarnissamik, tamanna niuertarfiitilinnut kiffaanngissuseqartitsimmat iluarissavarput.

Tassami inuussutissanik nioqqutissat amerlaneruppata inuit toqqagassaqarnerussapput, akikinneruppatalu inuit pisissutissaqarnerussapput, nioqqutissallu amerlanerusut agguaqatigiisillugu ukiumut tunisat amerlaneruppata taava niuertarfiup aningaasat kaavliaartitai aamma annertusissapput.

Siunissami aningaasanik isaatitsinerput annertusarniarlutigu nunarput silaannakkut angallannermi Europa-mut suli ammanerutikkumallutigu iliuuseqareerpugut, aningaasanik isaatitsissutaasinnaasut niuerutissagut iliuuseqarfigiumallutigit aamma tassuunakkut.

Aningaasanik kaaviaartitsinerput annertusippat avammut niuernitta pitsangorsaqinneratigut akissaqarnerulissagatta ullaat tamaasa ikiortakkatsinnut, kiisalu aqqtut taakkua atorluartariaqarlutigit nunatta iluanukartussani soorlu nioqqutissanik akikinnerusunik, kisianni nunatsinni pinngortitamut mingutsisinjaanermut ulorianateqanngitsunik innuttaasunullu iluaqtaasinnaasunik inuussutissatigut.

Taama oqaaseqarluta siunnersuutigineqartoq taperserparput, ataatsimiititaliamullu ingerlateqqillutigu.